


Baibuli y'Abato erabanjurira



Noa n'eby'Omwegyemure Rugambwa



Ekahandiikwa: Edward Hughes

Kikavunuurwa: Manuel John Kamugisha Muranga

Omuteezi w'Ebishushwani: Byron Unger; Lazarus

Kikahindurwamu: M. Maillot; Tammy S.

Omugane 3 ahari 60

www.M1914.org

Bible for Children, PO Box 3, Winnipeg, MB R3C 2G1 Canada

Okwikirizibwa: Oraikirizibwa kuhanduukurura, kukora kope nari kuteera
ekyapa omuri ugu mugane, kwonka toraikirizibwa kuguza.

Rukiga

Noa akaba ari omushaija
owaabaire araramya
Ruhanga. Abandi bantu
boona bakaba baranga
Ruhanga, bataramworobera.
Eizooba rimwe Ruhanga
yaagambira Noa

ekigambo
kiratiinisa,
ati, "Ndaza
kuhwerekyereza
egi nsi esiisikaire
munonga. Eka yaawe
yonka niyo
eraahonokeho."



1

Ruhanga akarabura Noa ngu omwegyemure
gw'amaani munonga guraza kwija, gutabe
ensi yoona. Yaamuragiira ati, "Baija
emeeri y'ekiti, erabaasa kutaasya
eka yaawe n'enyamaishwa
nyingi."




2

Ruhanga yaagambira Noa oku arakore ogwo murimo, buri kacweka kaagwe. Noa nikwe kwezirika, akatandika kukora!



3

Abantu barabaasa kuba baabashekyeereraga Noa ku




4

yaabashobooreraga ahabwenki yaabaire arabaija egyo meeri.

Kwonka 'we akagumizamu arakora,

kandi yaagumizamu aragambira abantu ahari Ruhanga. Beitu tihaine owaabaga abyetaireho.




5

Noa akaba aine okwikiriza kwingi. Akaikiriza Ruhanga nobu haabaire hatakagwagaho njura yoona omu nsi. Emeeri ekarugaho yaahwa eikora, yaategyeereza kupakirwamu ebintu.



6

Mpaho haijamu enyamaishwa. Ruhanga akareeta mushanju-mushanju ez'emiringo emwe, na ibiri-ibiri ez'endiijo miringo.




7

Enyonyi empango n'enkye, n'otukooko otugufu n'ebikooko ebiraingwa - byona bikaija omu meeri.



8

Okooshanga abantu
baabaire barajuma Noa ku
baabareebaga arataasya
enyamaishwa omu meeri.




9

Tibararekire kucumura
ahari Ruhanga, kandi
tibarashabire ngu
baikirizibwe kutaaha
omu meeri.




10

Aha muheru
enyamaishwa
zooka n'enyonyi
bikahika omu meeri.
Aho niho Ruhanga yaayeteire
Noa, ati, "Taaha omu
meeri, iwe n'abaawe."



11

Baasi Noa,
omukazi, na
batabani beeye bashatu
n'abakazi baabo baataaha
omu meeri. Ruhanga
nikwe akakinga orwigi!



12

Reero haagwa
enjura!
Enjura
nyamwingi
ekagwa, yaajubya
ensi kumara ebiro makumi ana,
nyomushana na nyekiro. Emitunga
y'omwegyemure yaayeshuka
omu ndembo n'omu byaro.




13

Ahu
enjura
yaagiiriire
kusya, n'emishozi ekaba
yaashwekirwe amaizi, buri kintu
kyona ekiraisya omwisyo
gw'amagara kikaba kyafwire.




14




Amaizi oku gaagagyendaga garaimuka, n'emeeri nikwe yaagumaga eragazeereeraho. Omunda y'emeeri hooba haabaire harimu omwirima, nainga yo yonka eguma erashushwa nk'eratomera ebikungu, nangwa obundi habaho n'okutiina. Kwonka egyo meeri ekakiza Noa ogwo mwegyemure.

15



Ahaanyima y'emyezi etaano y'omwegyemure, Ruhanga akoohereza omuyaga gw'okugwomya.

16




Mporampora emeeri yaaguma erashuuma, yaarugaho yaateekama ahaiguru omu bibungo bya Araraati. Noa yaaguma omu meeri ebindi biro makumi ana, obwe amaizi gakyatuuba.

17



Noa nikwe kushohoreza ekikoona n'enkombe omu dirisa y'emeeri. Enkombe teraboine hantu hoomire h'okuteekama, nikwe ekagaruka ahari Noa omu meeri.

18



Ahaanyima y'endiijo saabiiti, Noa yaashuba yaayohereza enkombe.

Enkombe yaagaruka eine eibabi rito ry'omuzaabibu omu kanwa. Esaabiiti eyaakurasireho, Noa akamanya ngu obwe ensi ekaba yaayomookire, ahabwokuba enkombe teragarukire.

19




Ruhanga yaagambira Noa ngu obunaku bw'okuruga omu meeri bwahika. Noa n'ab'eka ye nikwe kushohoza enyamaishwa zoon.

20

Noa arateekwa kuba
yaahuriire okusiima
kwingi omu mutima gwe!
Nikyo yaayombekyeire
eitambiro, akaramya


Ruhanga owaamukirize
ogwo mwegyemure,
'we n'ab'eka ye.



21

Ruhanga
akaraganisa
Noa ekintu
ky'okutangaaza,
yaamugira ngu
tiharishuba kubaho
omwegyemure


nk'ekifubiro
ahabw'ekibi
ky'abantu.



22

Ruhanga akaha
Noa eky'okuguma
kiramwijusya
egyo ndagaano:

omuhanganzima,
gwaba akamanyiso
k'egyo ndagaano.




23

Noa n'abeeye
ahaanyima y'omwegyemure
bakatandika busya. Obunaku
ku bwagumiizemu, ruzaaro ye
yaijura ensi yoona, eyaabaire
ehweiremu abantu.

Amahanga goona
ag'ensi

yoona gakakomooka
ahari Noa n'abaana be.



24

Noa n'eb'y'Omwegyemure Rugambwa

Omugane kuruga omu Kigambo kya Ruhanga,
Baibuli

gurashangwa omuri

Okutandika 6-10

"Ebigambo byawe, byashuuruurwa, birareeta
omushana." Zaaburi 119:130

Ruhanga aramanya ngu tukozire ebintu
bibu, ebi areeta ekibi. Ekibonerezo ky'ekibi n'okufwa.

Ruhanga araturunda munonga - nikyo
yaayohereze Omwana we, Yesu, kufwera aha
musharaba nk'ekibonerezo ky'ebibi byaitu. Kwonka
Yesu akazooka, yaagaruka omu Iguru! Mbwenu hati
Ruhanga arabaasa kusaasira ebibi byaitu. Waaba
orenda kuruga omu bibi byawe, gambira Ruhanga oti:
Ai Ruhanga, ndaikiriza ngu Yesu akanfwera, kandi hati
ariho, ahuriire. Ndakushaba ngu oije omu magara
gangye, onsaasire ebibi byangye, ngire amagara
masya, reero ngume naiwe ebiro byona. Nkwasa
mbeho ahabwawe, nk'omwana
waawe. Amiina. Yohaana 3:16

Shoma Baibuli kandi ogambe na Ruhanga buri izooba.